

**Vuođđodorvolávdegoddi****Áigi** 17.05.2022 dmu 11:30**Báiki** Gielddadállu, váldostivrasále**Čoahkkináššit**

<b>Ášši</b>	<b>Bajilčála</b>	<b>Siidu</b>
25	Lágalašvuohta ja mearridanváldi	3
26	Beavdegirjji dárkkisteaddjiid válljen	4
27	Bargoortnega dohkkeheapmi	5
28	Dili birra oanehaččat	6
29	Ruhtadili birra oanehaččat	7
30	Gieldačatnasanbivdda ahkeolbmuid ássama ovddideapmi Lappi buresveadjinguovllus -projektii	8
31	Buohccedikšu virggi heaittiheapmi	9
32	Buohccedikšu doaimma vuođđudeapmi	10
33	Diehtosuodjeovddasvástideaddji nammadeapmi sosiáladoibmii	11
34	Lassemearruhta, vuođđodorvolávdegoddi	12
35	Sosiálafuolahuslága mielde sáhttobálvalusaid mieđihanákkat 1.7.2022 rájes	13
36	Oapmahašdivššu doarjaga mieđihanákkat ja heivehanrávvagat	14
37	Bátnedoaktára virggi deavdin	15
38	Rabasbálvalusjodiheaddji virggi deavdin	17
39	Ohcejoga dearvvasvuođaguovddáža rabasvuostávdima sihke searjgaossodaga bargoveahkadilli geassit 2022	19
40	Mearreáigásaš guđege barggu mielde máksojuvvon báikálassi dearvvasvuođafuolahusa ja sosiálafuolahusa dikšunbargiide 1.5.-30.9.2022 áigái	21
41	Áššit diehtun	23

Beavdegirjji dollojuvvo albmosis 24.05.2022

Dát čoahkkinbovdehus lea biddjon almmolaš gulahusaid almmuhantávvalii 11.5.2022.

Markku Halonen  
ságadoalli

**Oasseváldit**

			Lassidiedut
Mielde	Namma	Bargu	
	Halonen Markku	Ságadoalli	
	Oikarinen Pasi	Várreságadoalli	
	Rautajoki Mervi	Lahttu	
	Parkkonen Anne	Lahttu	
	Aikio Mika	Lahttu	
	Wargh Kirsi-Marja	Lahttu	
	Snellman Aino	Lahttu	
	Länsman Maarit K.	Várrelahttu	
	Rasmus Sebastian	Várrelahttu	
	Guttorm Maija-Liisa	Várrelahttu	
	Porsanger Veikko	Várrelahttu	
	Halonen Netta	Várrelahttu	
	Nordberg Aulis	Várrelahttu	
	Lukkari Pirjo	Várrelahttu	
Eará	Rasmussen Riikka	Gr ovddasteaddji	
	Guttorm Väinö	Gr ságadoalli	
	Tieva-Niittyvuopio Vuokko	Gielddahoavda	
	Lehmonen Raija	Beavdegirjedoalli	
	Aikio Leena	Tulka	
	Kontio Päivi	Dikšunbarggu hoavda	
	Eriksen Heidi	Vástideaddji doavttir	
	Nikkinen Anna-Marja	Eamit	
	Saastamoinen Emmi	vd. rabasbálvalusjodiheaddji	

25

Lágalašvuohta ja mearridanváldi

Vudolg

**Evttohus:**

Čoahkkin gávnnavuvvo leat lágalaččat čoahkkái bovdejuvvon ja mearridanválddálaš.

**Mearrádus:**

26

Beavdegirjji dárkkisteaddjiid válljen

Vudolg

**Evttohus:**

Válljet guokte beavdegirjedárkkisteaddji, geat doaibmaba dárbbu miel maddái jienaidrehkenastin.

**Mearrádus:**

27

Bargoortnega dohkkeheapmi

Vudolg

**Evttohus:**

Vuođđodorvolávdegoddi dohkkeha evttohuslisttá čoahkkima bargoortnegin.

**Mearrádus:**

Vuodđodorvolávdegoddi

17.05.2022

---

28

Dili birra oanehaččat

54/00/2019

Vudolg

Vuodđodorvohoavda ja eará vástuolbmot muitalit oanehaččat iežaset vástusurggiid áigeguovdilis áššiid birra.

**Evttohus:**

Merkejuvvo diehtun.

**Mearrádus:**

---

Vuođđodorvolávdegoddi

17.05.2022

---

29

Ruhtadili birra oanehaččat

83/02.02.01/2011

Vudolg

Siidomateriálan sosiála- ja dearvvasvuođadoaimma bušeahta ollašumit áigodagas 1.1.- 30.4.2022.

Vuođđodorvohoavda ovdanbuktá sosiála- ja dearvvasvuođadoaimma bušeahta ollašumiid (siidomateriálan).

**Evttohus:**

Vuođđodorvolávdegoddi merke diehtun sosiála- ja dearvvasvuođadoaimma bušeahta ollašumiid áigodagas 1.1.- 30.4.2022.

**Mearrádus:**

---

Vuodđodorvolávdegoddi

17.05.2022

---

30

Gieldačatnasanbivdda ahkeolbmuid ássama ovddideapmi Lappi buresveadjinguovllus - projektii

29/00.04.02/2022

Vudolg

Lappi buresveadjinguovlu bivdá gielddaid oktasašbargui ja čatnasit ahkeolbmuid ássama ovddideapmái Lappi buresveadjinguovllus guoski projektii. Projektii lea ohcon ruhtadeapmi birasministeriijas. Dán projeavtta goluide sáhtá ohcat doarjaga 133 200€. Birasministeriijaruhtadeami oassi lea eanemustá 60 % goluin (79.900€). Buresveadjinguovllu ja gielddaid oktasaš iešruhtadanoassi lea 53 300 €. Iešruhtadanoassi čohkkejuvvo buresveadjinguovllu vástuválmmaštalliid ja projektii oassálasti gielddaid vástuolbmuid bargonákan. Projeakta ollašuhtho áigodagas 1.5.2022 - 30.4.2023, juos birasministeriija juolluda ruhtadeami.

Projeavtta buvttusin ráhkaduvvo plána, maid sáhtá ávkkástallat ahkeolbmuid ássamis Lappi buresveadjinguovllus ja gielddain. Plána váldá vuhtii ássama čovdosiid mas ássanbálvalusaid sáhtá rievdat ja geahppudit ja plána váldá vuhtii maid ahke- ja muitoustitlašvuoda. Projeavttas dahkko Lappi gielddain čielggadeapmi ahkeolbmuid ássama dálá dilis, proseassagovvaevttohus buresveadjinguovllu ja gielddaid gaskasaš oktasašbarggus agáiduvvi olbmuid ássama plánemis sihke buresveadjinguovllu oktasaš rávagirjjáš agáiduvvan olbmuid ássama vejolašvuodain.

Almmuhusa projektii čatnašumis galggai doaimmahit 14.4.2022 rádjai Lappi buresveadjinguovllu registrerenkantuvrii.

Vs. vuodđodorvohoavda lea almmuhan ahte Ohcejoga gielda čatnašuvvá projektii.

**Evttohus:**

Vuodđodorvolávdegoddi dohkkeha Ohcejoga gieldda čatnašumi Ahkeolbmuid ássama ovddideapmi Lappi buresveadjinguovllus - projektii.

**Mearráduš:**

Juohkin

Lappi buresveadjinguovlu/Lapin hyvinvointialue

---



Vuodđodorvolávdegoddi

17.05.2022

---

31

Buohccedikšu virggi heaittiheapmi

75/01.01.00/2017

Vudolg

Seaŋgaossodagas lea buohccedikšu virgi, mii lea báhcimin friddjan 1.9.2022 rájes. Gielddas lea dahkkon mearrádus, ahte go virggit báhcet friddjan dat rievdaduvvojit doaibman, jos barggu luonddu dáfus dat lea vejolaš.

Virggi heaittiheamis mearrida váldostivra.

Válmmaštalli: Dikšunbarggu hoavda Päivi Kontio

Válmmaštalli evttohus: Vuodđodorvolávdegoddi evttoha gielddaráđđehussii ja ain váldostivrii ahte seaŋgaossodaga buohccedikšu virgi heaittihuvvo 1.9.2022 rájes.

**Evttohus:**

Vuodđodorvolávdegoddi dohkkeha válmmaštalli evttohusa

**Mearrádus:**

Juohkin

GR, Váldostivra

---

Vuodđodorvolávdegoddi

17.05.2022

---

32

Buohccedikšu doaimma vuodđudeapmi

76/01.01.00/2017

Vudolg

Seaŋgaossodagas lea buohccedikšu virgi, mii báhcá friddjan eretcealkima dihte 1.9.2022 rájes. Gielddas lea dahkkon mearrádus, ahte go virggit báhcet friddjan dat rievdaduvvojit doaibman, jos barggu luonddu dáfus dat lea vejolaš.

Váldostivrii lea evttohuvvon ahte buohccedikšu virgi heaittihuvvo 1.9.2022 rájes.

Vai barggut šaddet dikšojuvvot, de seaŋgaossodaga buohccedikšu virggi sadjái galgá vuodđudit buohccedikšu doaimma.

Válmmaštalli: Dikšunbarggu hoavda Päivi Kontio

Válmmaštalli evttohus: Vuodđodorvolávdegoddi mearrida vuodđudit buohccedikšu doaimma 1.6.2022 rájes, váldosajuštanbáikin lea Ohcejoga seaŋgaossodat.

**Evttohus:**

Vuodđodorvolávdegoddi dohkkeha válmmaštalli evttohusa.

**Mearrádus:**

Vuodđodorvolávdegoddi

17.05.2022

---

33

Diehtosuodjeovddasvástideaddji nammadeapmi sosiáladoibmii

27/07.01.01/2016

Vudolg

Vuodđodorvolávdegoddi lea čoahkkimisttis 25.2.2016 § 22 nammadan sosiáladoaimma diehtosuodjeovddasvástideaddjin rabasbálvalusjođiheaddji virgedoalli. Sosiáladoibmii galgá nammadit ođđa diehtosuodjeovddasvástideaddji, daningo lávdegotti välljen olmmoš lea cealkán iežas eret gieldda bálvalusas.

**Evttohus:**

Vuodđodorvolávdegoddi mearrida nammadit sosiáladoaimma diehtosuodjevástideaddjin sosiálajođiheaddji Annaliisa Kujala.

**Mearrádus:**

Juohkin

Áššeosálaš

---

Vuodđodorvolávdegoddi

17.05.2022

---

34

Lassemearruhta, vuodđodorvolávdegoddi

62/02.02.00/2021

Vudolg

Bušeahhta lea geatnegahtti manuid ja boađuid erohusluoittu nappo netto dásis. Hálddahushoavda sáhtta mearridit mearreruđa sirdimis seamma gollobáikki siste. Lávdegoddi sáhtta mearridit mearreruđa sirdinimiin bargosuorggi siste sihke bargosurggiid mielde bušehtii váldojuvvon mearreruđaid gaskasaš sirdimiin eanemustá 10 % lávdegotti oppalaš goluin. Dás badjelmanni oasil nuppástusaid galgá evttohit váldostivrii. Lassin nettogolu badjelmanni mearreruhtaevttohusaid sihke investeremiid mearreruhtanuppástusaid galgá álo evttohit váldostivrii.

Jagis 2022 bušehtii várrejuvvon mearreruđat mannet badjel sosiáladoaimma boađusovttadagain ja badjelmannamat eai nagoduvvo gokčat vuodđodorvolávdegotti bušehtii váldon mearreruđaid sirdimiin.

Lasseválmmaštallan:

Lassemearruđa dárbu boahá gieldalaččaid bálvalandárbbuid lassáneamis ja sadjásačča bálkágoluin.

Korona geažil šaddan goluide lea jahkái 2022 várrejuvvon mearreruhta 40.000€ ja dál golut leat mannan badjel buorrái 43.000. Dáidda goluide ohccojuvvo lassemearruhta maŋŋá go stáhtadoarjja lea čielgan ( jagi 2022 koronagoluid buhtadusmeannudeamis ii leat velá mearriduvvon ole).

Lassemearruhtaevttohus:

Golut:

- Mánáidsuodjalusa rabasfuolahussii lassemearruhta bálkágoluide 9.000€ ja bálvalusaid oastimii 102.000 okt. 111.000
  - Doaibmaváddobálvalusaide dárbbasuvvo lasi ruhta bálvalusaid oastimii 13.000€.
  - Čálgováddofuolahussii bálvalusaid oastimii 25.000€
  - Veajuiduhttimii bálvalusaid oastimii 45.000 €
- oktiibuot 194.000

Boađut/ investerenprográmma 2022

- Sosiála- ja dearvvasvuodadoaimma, dearvvasvuodaguovddáža Lifecare-prográmma ođasmahttimat/skáhppomat, girjejuvvojit bohtun 154.264€.

Gielda oažžu ođasmahttingoluide Lappi buresveadjinguovllu ICT-nuppástusdoarjjaruhtadeamis 154. 264€.

Evttohuvvon lassemearruhtaevttohus lea rehkenastojuvvon dálá dieđus leahkki áigumušaid ja bálvalusaid mielde, muhto

---

lunddolaččat buot áššiid oasil dárkkes golluárvoštallama ii sáhte loahppajahkái dahkat, go eanáš oassi sosiála - ja dearvvasvuodábálvalusain leat lágas mearriduvvon, iige boahtteáiggi bálvalandárbbuid sáhte einnostit.

**Evttohus:**

Vuodđodorvolávdegoddi dohkkeha bajábealde ovdanbuktojuvvon válmmaštallama mielde lassemearruhtaevttohusa ja evttoha dan gielddaráđdehussii ja ain váldostivrii dohkkeheami várás.

**Mearrádus:****Evttohus:**

Evttohus addojuvvo čoahkkimis.

**Mearrádus:**

Juohkin

GR, váldostivra

---

Vuodđodorvolávdegoddi

17.05.2022

---

35

Sosiálafuolahuslága mielde sáhttobálvalusaid medihanákkat 1.7.2022 rájes

246/05.05.03/2011

Vudolg

Čuovusin Sosiálafuolahuslága mielde sáhttobálvalusaid medihanákkat Ohcejoga gielddas 1.7.2022 rájes.

Válmmaštalli: vd. Rabasbálvalusjodiheaddji Emmi Saastamoinen

Válmmaštalli evttohus: Vuodđodorvolávdegoddi dohkkeha sosiálafuolahuslága sáhttobálvalusaid medihanákkaid(čuovusin) Ohcejoga gielddas 1.7.2022 rájes.

**Evttohus:**

Vuodđodorvolávdegoddi dohkkeha válmmaštalli evttohusa

**Mearrádus:**

Čuvvosat

Čuovus 1 Sosiálafuolahuslága mielde sáhttobálvalusaid medihanákkat ja heivehanrávvagat 1.7.2022 rájes.

---

Vuodđodorvolávdegoddi

17.05.2022

---

36

Oapmahašdivššu doarjaga mieđihanákkat ja heivehanrávvagat

214/05.12.00/2013

Vudolg

Oapmahašdivššu doarjja lea oapmahašdivššu doarjagis addojuvvon lága (2.12.2005/937) mielde sosiálabálvalus, man ordnen- ja gohcinovddasvástádus lea gielddas. Oapmahašdivššu doarjja lea bálvalus, mii čatnasa mearreruđa mearrái. Mearreruhta čujuhuvvo daidda geat eanemusat dárbbasit divššu ja fuolaheami.

Oapmahašdivššu doarjaga mieđihanákkaid ulbmilin lea čielggasmahttit ja fitnašuhhtit ovttaveardásažžan oapmahašdivššu doarjaga mieđiheami Ohcejoga gielddas.

Čuovusin Oapmahašdivššu doarjaga mieđihanákkat ja heivehanrávvagat 1.7.2022 rájes.

Válmmaštalli: VD. Rabasbálvalusjođiheaddji Emmi Saastamoinen

Válmmaštalli evttohus: Vuodđodorvolávdegoddi dohkkeha oapmahašdivššu doarjaga mieđihanákkaid ja heivehanrávvagiid 1.7.2022 rájes.

**Evttohus:**

Vuodđodorvolávdegoddi dohkkeha válmmaštalli evttohusa

**Mearrádus:**

Čuvvosat

Čuovus 2 Oapmahašdivššu doarjaga mieđihanákkat ja heivehanrávvagat 1.7.2022 rájes.

---

37

Bátnedoaktára virggi deavdin

109/01.01.01/2018

Vudolg

Bátnedoaktára virgi leamašan ohcanláhka 14.4.2022 rádjai ja jotkojuvvon ohcanáiggiin 29.4.2022 rádjai.

Virgi devdojuvvo fásta.

Ohcejoga dearvvasvuođaguovddáža bátnedivššohat buvttada njálmmi dearvvasvuođafuolahusa bálvalusaid sullii 1200 olbmui. Bátnedivššohagas bargá bátnedoaktára lassin bátnedivššár. Dearvvasvuođaguovddážis lea anus Lifecare-pasientadiehtovuogádat. Suoma áidna sápmelašeanetlogu gielddas bálvalusat buvttaduvvojit suomagillii ja davvisámegillii.

Bátnedoaktára bargguide gullá klinihkalaš barggu lassin maid njálmmi dearvvasvuođafuolahusa ovttadaga doaimmas vástideapmi (vástideaddji bátnedoaktára barggut).

Gelbbolašvuođaeaktun bátnedoaktára virgái lea Suomas lágalaš bátnedoaktára gelbbolašvuohta ja doarvái buorre hárvánupmi dearvvasvuođaguovddážis bargamis sihke mánáid ja ollesolbmuid bátnedivššus. Mii eaktudat ohccis erenoamáš suomagiela njálmmálaš ja čálalaš máhtu ja das galgá ovdanbuktit duođaštusa, jos eatnigiellan ii leat suomagiella. Davvisámegiela dáidu gehččojuvvo erenoamáš ánsun.

Bálká ja virggi eavttut mearrašuvvet GVBES ja doavttersoahpamuša mielde, dán barggus bálká lea 5.977,29 €/mb. Ohcejoga gielda máksá bargiidasas sámegiela giellalasi njálmmálaš máhtus 125 €/mb ja čálalaš ja njálmmálaš máhtus 150 €/mb.

Virggis čuvvojuvvo guđa mánotbaji (6)geahččalanáigi. Válljejuvvon galgá ovdanbuktit dohkálaš doaktárduođaštusa dearvvasvuođadilistis. Lassin eaktuduvvo njoammudávdalága 48§:s oaivvilduvvon boahkkosuodji.

Bátnedoaktára virggi ohce mearreáiggi rádjai guokte olbmo. Guktuin ohcciin lea gelbbolašvuođaeavttuid mielde bátnedoaktára gelbbolašvuohta.

Ohccit jearahallojedje 5.5. ja 6.5.2022. Jearahallamis ledje mielde vs. vuođđodorvohoavda Riitta Kumpulainen, vuođđodorvolávdegotti lahttu Mika Aikio (5.5.2022), ja dearvvasvuođaguovddášdoavttir Leena Niittyvuopio-Jämsä. Jearahallanjoavkkus ledje anus siidomateriálan ohcanalmmuhus ja ohcamušaššegirjijt.

Skuvlejumi, bargohárvánumi, ohcamuša ja jearahallama vuođu



dahkkojuvvon oppalaš árvoštallama vuodul jearahallanjoavku evttoha vuodđodorvolávdegoddái, ahte bátne doaktára virgái välljejuvvo Kalle Merkku ja várresadjái välljejuvvo Liisi Bischer.

Ohcanalmmuhus ja ohcciid čoahkkáigeassu sáddejuvvo siidomateriálan vuodđodorvolávdegotti lahtuide evttohuslisttu mielde.

**Evttohus:**

Vuodđodorvolávdegoddi mearrida

- 1) välljet dearvvasvuodaguovddášbátne doaktára virgái Kalle Merkku ja várresadjái Liisi Bischer.
- 2) dán barggu bálkán 5.977,29 €/mb.
- 3) ahte virgái välljejuvvon galgá ovdal go välljenválga nannejuvvo, ovdanbuktit dohkálaš doaktárduođaštusa dearvvasvuodadilistis ja čielggadusa njoammudávdalága 48§ eaktudan boahkkosuojis.
- 4) ahte virggis lea guđa mánotbaji geahččalanáigi.

**Mearrádus:**

---

Vuodđodorvolávdegoddi

17.05.2022

---

38

Rabasbálvalusjođiheaddji virggi deavdin

33/01.01.01/2022

Vudolg

Rabasbálvalusjođiheaddji virgi leamašan ohcanláhkai 4.5.2022 rádjai.

Rabasbálvalusjođiheaddji bargguide gullet agáiduvvi veahkadaga bálvalusaid ovdánahttin, ruoktut addojuvvon bálvalusaid doaimma organiseren, bálvalusa stivren, bálvalanplánaid ja bálvalanmearrádusaid dahkan sihke doaibmaváttolaččaid ovdánahttin oktasašbarggu sosiálabargiin. Maid ruovttubuohccedikšu ja dikšun barggu hoavda leat dehalaš oktasašbargoguoimmit. Mis lea anus doaibmannávcca árvvoštallamis RAI-programma.

Lassin rabasbálvalusjođiheaddji bargui gullet earálágan doarjjabálvalusaid, dego oapmahašdivššu doarjaga ordnen, ahkeolbmuid bearašdivššu ovdánahttin, sáhttobálvalusat, bálvalusássan, 18-jagi deavdán doaibmaváttot- ja čálganvátot olbmuid bálvalusaid ordnen sihke boarrásiidráđi ja lápmásiidráđi čoahkkimiidda oassálastin.

Atnit arvvus liekkus bargodoaladumi ahkeolbmuideamet buorin ja albma movtta bargat singuin. Mii sávvat maid ovdánahttinmieđisvuođa, buriid bargosearvvuš- ja vuorrováikkuhusdáidduid sihke máhtu iehčanas barggildeapmái. Erenoamáš ánsun oaidnit sámegiela ja kultuvrra dovdamuša ja beroštumi/ dáhtu oahppat daid birra lasi, dasgo Ohcejoga gieldda ássiin sullii bealli leat sámegielalaččat.

Virggi gelbbolašvuodaeaktun lea sosiálafuolahusa bargiid gelbbolašvuodagáibádusain 6§ dán bargui heivvolaš sosiála- ja dearvvasvuodasuorggi ámmátallaskuvladutkkus. Eaktudat iežas biilla geavahanvejolašvuođa, dasgo Ohcejoga gielda lea viiddis ja gaskkat leat guhki. Sámegiela máhttu oidnojuvvo erenoamáš ánsun.

Dán barggus bálká lea 2800 € / mb, man lassin máksojuvvojit ahkelasit. Ohcejoga gielda máksá sámegiela máhtus giellalasi bargiide: njálmmálaš máhtus 125 € mb ja sihke čálalaš máhtus 150 € /mb.

Virggis lea guđa mánotbaji geahččalanáigi. Válljejuvvon galgá doaimmahit ovdal virggi vuostávdidma dohkálaš doaktárduodaštusa dearvvasvuodadilistis sihke čielggadusa njoammudávdalága mielde viiddis boahkkosuojis lohkuai váldojuvvon maid Njoammudávdalága mielde § 48a suodji Covid-19 dávdda vuostá.

---

Virgi devdojuvvo 16.5.2022 rájes dahje soahpamuša mielde.

**Lasseválmmaštallan:**

Mearreáiggi rádjai virggi ohce guokte ohcci, geain nuppi ohcci devddii gelbbolašvuodaeavttuid.

Ohcci jearahallojuvvui 11.5.2022 ja jearahallamii oassálaste vd. Rabasbálvalusjodiheaddji Emmi Saastamoinen, vuodđodorvolávdegotti ságadoalli Markku Halonen, dikšunbarggu hoavda Päivi Kontio ja vs. vuodđodorvohoavda Riitta Kumpulainen. Jearahallanjoavkkus ledje anus siidomateriálan ohcanalmmuhus ja ohcamušáššegirjjit.

Jearahallama vuodul dahkkon oppalaš árvoštallama vuodul jearahallanjoavku evttoha vuodđodorvolávdegoddái, ahte rabasbálvalusjodiheaddji virggi ohcanáigi jotkojuvvo 8.6.2022 rádjai ja jo boahtán ohcamušat váldojit vuhtii virggi deavddedettiin.

**Evttohus:**

Vuodđodorvolávdegoddi mearrida joatkit rabasbálvalusjodiheaddji virggi ohcanáiggi 8.6.2022 rádjai ja jo boahtán ohcamušat váldojit vuhtii virggi deavddedettiin.

**Mearrádus:**

Ášši válmmaštallojuvvo ja evttohus addojuvvo čoahkkimis.

**Evttohus:**

Válmmaštallan ja evttohus addojuvvo čoahkkimis

**Mearrádus:**

Juohkin

Ohccit

---

Vuodđodorvolávdegoddi

17.05.2022

39

Ohcejoga dearvasvuodaguovddáža rabasvuostávdima sihke searjagossodaga bargoveahkadilli geassit 2022

34/06.03/2022

Vudolg

Ohcejoga dearvasvuodaguovddáža rabasvuostávdin ja maid searjagossodaga bargoveahkadilli lea hui fuolastuhtti erenoamážit buohccedikšuid háhkama sihke doavtterdili geažil. Geasi áigái ii leat boahhtimin oktage buohccedikšu jahkeluopmosadjásaš iige gielddas leat 13.5.-11.7.2022 áigge doavttir virgegaskavuodas. Doavtterbálvalusat dikšojuvvojit máinnašuvvon áigge oastinbálvalussan.

Vai divššohasdorvolašvuoda sáhtta sihkarastit ja sáhttit dahkat vejolažžan maid doivojuvvon jahkeluomuid, mii leat boahhtán oaivillii ahte evttohat čuovvovaš doaimbajuid 6.6.-31.7.2022 áigái:

- Buot ii-hohpolaš dearvasvuodadikšuid vuostávdin gaskkalduhttojuvvo 6.6.-31.7.áigái. Mánáid rávvehat ja etniidrávvehat dikšojuvvo. Muidodikšu vuostávdin geriatriija oasis ollašuhthtojuvvo soahpamuša mielde. Seniorrávvehaga doaimma geahpeduvvo.
- Laboratoria gitta vahkuid 29 ja 30 áigge, dušše fáktavuorroiskosat.
- Searjagossodaga divššohagaid sadjelohku geahpeduvvo 11 + 2-> 10 +1. Dán áigodat áigge maid divoduvvo ng. Rievssatlatnja /Riekkohuone, mii lea hui várálaš divššohasaide láhttiid allodaterohusaid geažil.
- Interválladivššut 6.6.-31.7.áigge Dorvvus, jos searjagossodagas ii leat sadji.
- Bátnedivššohat lea gitta suoidnemánu 4.7.-31.7.
- Searjagossodagas ja Dorvvus leat ihkku barggus dábálaččat oktiibuot 3 dikšu, searjagossodagas geahpeduvvo okta dikšu.
- Gáregasnjárgga ja Ohcejohka-Njuorggán guovllu ruoktodikšu ovtastuvvo 6.6-30.8.áigge.
- Buohccedikšu resurssat biddjojitt vahkuloahpaide ja eahkedii, árggaid vuostávdimis lea buohccedikšu. Dearvasvuodadikšut buhttejit searjagossodaga buohccedikšuváni.
- Virgeolbmot (dikšunbarggu hoavda ja vástideaddji buohccedikšu) ossodatbarggus.
- Gáregasnjárgga dearvasvuodadállu rabas dušše guokte beivvi vahkus, dearvasvuodadikšu vuostávdin /laboratoria vuossárggaid ja ruovttubuohccedikšu maŋnebárggaid dikšojuvvo.
- Váldodeaddu ruoktut addojuvvon bálvalusain, ruovttubálvalusas, ja ruovttubuohccedivššus.

Válmmaštallit: vástideaddji dearvasvuodaguovddášdoavttir Leena Niittyvuopio-Jämsä ja dikšunbarggu hoavda Päivi Kontio.

Válmmaštalliid evttohus: Vuodđodorvolávdegoddi merke diehtun ja dohkkeha ovddabealde máinnašuvvon doaibmajuid ja doaimma geahpedemiid 6.6.-31.7.2022 áigge.

**Evttohus:**

Vuodđodorvolávdegoddi dohkkeha válmmaštalliid evttohusa.

**Mearrádus:**

---

Vuodđodorvolávdegoddi

17.05.2022

---

40

Mearreáigásaš guđege barggu mielde máksojuvvon bálkálassi dearvasvuodafuolahusa ja sosiálafuolahusa dikšunbargiide 1.5.-30.9.2022 áigái

35/01.02.01/2022

Vudolg

Njukčamánu 1. beaivve 2022 maŋŋá lea gielddahoavda dahkan virgedoalliid evttohusa vuodul virgedoallimearrádusa háhkanlasi máksimis sosiála- ja dearvasvuodabeale sadjásažžan boahtti bargiide earet ii virgedoalliide. Dát háhkanlasi máksojuvvo 1-2 vahku bisti sadjásašvuodas 150€ ja 200 €/mb eanemustá guovtti vuosttas bargománobajis. Juksanáigumuššan leamašan ahte dat geasuhivččii dikšunbarggu ámmátolbmuid boahtit Ohcejohkii bargui ja juogadit vejolaččat orrumis ja mátkkiin šaddi goluid.

Dán háhkanlasi olggobeallái báhcet olbmot geaid bargogaskavuoha lea doaisttáži fámus sihke olbmot geat barget guhkes sadjásašvuodaid. Dáid olbmuid buohta barggut leat rievdan vássán guovtti jagi áigge ja máŋggas leat gártan lávket muhtun muddui iežas nana ámmátmáhtu rájaid olggobeallái. Koronaiskosa váldimat, guorahallamat je. ođđa barggut mat laktásit koronai, leat dikšojuvvon Ohcejogas eanáš iešráđalaččat iežas bargoveagain almmá makkárgge lassebuhtadusa. Lassin doaibmagovaid leat gártan dárkkistit, vai áššehasaid bálvalusdárbei leat nagodan vástidit nu bures go vejolaš. Bargguid leat sáhtán dikšut duššefal bargiid hui nana bargui čatnaseami ja njuovžilvuoda geažil.

Jagi álggus bohtán njoammudávdalága 48 a § mearreáigásaš láhkarievdadus lea dagahan mearkkašahtti ollu dikšunbargoveaga molsašuvvama ja guhká bistán bargoeaktosoahpamušráđđadallamat ja dasa laktáseaddji badjeláiggebarggu - ja vuorrolonuhangiiddus leat noađuhan bargoveaga, mii fas ovddežis lea čavgen váttis dili. Lassin háhkamis eai leat fitnašuvvan ohccit dego diimmá jagiid. Sadjásaččat ožžot háhkanlasi, muhto fásta bargiide ii leat máksojuvvon miige bálkálassi njuovžilvuodas ja čatnaseamis bargui.

Arvosmahttima ja ovttaveardásašvuoda dihte sihke bargiid movttiidahttima ja bisuheami dihte Ohcejoga gielddas evttohan 6 % guđege barggu mielde bálkálasi daidda olbmuide, geat leat leamaš bargogaskavuodas mii lea doaisttáži fámus dahje barget badjel guovtti mánotbaji sadjásašvuoda. Dát bálkálassi máksojuvvošii geassemánobajiid áiggis 1.5.-30.9 ja bálkálassi máksojuvvošii bargománobajiin - ii luomu áiggis. Dát 6 % guđege barggu mielde máksojuvvon bálkálassi ii máksojuvvo virgedoalliide.

Vuolábeale tabellii lea logahallon dat ámmátjoavkkut, geaid bálkálassi guoská. Bušeahhtaváikkuhus dás lea vuodđodorvvu bušehttii dákkár:

---

Vuodđodorvolávdegoddi

17.05.2022

	Guđege barggu mielde bálká 5 mb	Guđege barggu mielde bálká 6 % bajádusain	6 %: bálká bajádus siidogoluiguin, mas lea váldon vuhtii 4 vahku jahkeluopmu /bargi-)
Buohccedikšut ja dearvvasvuodadikšut (11)	147 197,05	156 028,97	8 760
lagasdikšut (18)	204 984,90	217 284	12 200
lágádusfuolaheaddji (3) dikš/ veahkke-ásllat/	30 180	31 990	1 790
beaivválašdoaimm.jođ (5)	53 231,75	56 532,05	3 180
laboratoriadikšu./ bátnedikšu	24 594	26 069,64	1 460
Goasttádusat 6 % bálká bajádusat okt.			27 390

#### Válmmaštalli: Dikšunbarggu hoavda

Válmmaštalli evttohus: Vuodđodorvolávdegoddi evttoha gielddaráđđehussii bajábealde ovdanbuktojuvvon válmmaštallama mielde 6% guđege barggu mielde máksojuvvon bálkálasi mieđiheami ovddabealde máinnašuvvon dikšunsuorggi olbmuide, geat leat bargogaskavuodas, mii lea doaisttáži fámus dahje barget badjel guovtti mánotbaji sadjásašvuoda (eaige leat ožžon háhkanlasi). Dát bálkálasi máksojuvvošii geassemánobajiid áiggis 1.5.-30.9 ja bálkálasi máksojuvvošii bargománobajiin - ii luomu áiggis. Dát 6 % guđege barggu mielde máksojuvvon bálkálasi ii máksojuvvo virgedoalliide.

Guđege barggu mielde máksojuvvon bálkálasi (6% guđege barggu mielde bálkkás) máksimis šaddet golut 27.390€ ja dáidda goluide ohccojuvvo váldostivrras 27.390€ lassemearruha.

#### Evttohus:

Vuodđodorvolávdegoddi dohkkeha válmmaštalli evttohusa ja evttoha dan ain gielddaráđđehussii ja váldostivrii dohkkeheami várás ovddabeale válmmaštallama mielde.

#### Mearrádus:

Juohkin

Gr, Váldostivra

Vuodđodorvolávdegoddi

17.05.2022

---

41

Áššit diehtun

Vudolg

Guovlluhálddahušdoaimmahat

- Mearrádus sámegiela sosiála- ja dearvvasvuodabálvalusaid dorvvasteami várás čujuhuvvon stáhtadoarjaga geavaheamis jagis 2022.
- Stivrenreive almmolaš hálddahušbargguid barggaheapmái olggobeale dahkkái.

Kela

- Bearašfriddjaođastusa mielde vanhemiidruhtabeaivvit leat ohcamis muttuid mielde 1.5.rájes- guorahala iežat vanhemiid friddja rehkenastinreaidduiguin.
- Áigái bohtindorvoinfo 22.04.2022.
- Ukraina soađi váikkuhusat vuodđoáigái bohtindoarjagii.
- Kela-táksiid fitnašuvvamis velá báikkálaččat váttisvuodát.
- Áigái bohtindorvoinfo 29.3.2022.

Suomen Kuntoutusrytät ry

- Terapiijafitnodatdoallit leat fuolas Kela áššehasaid áiggálaččat oaniduvvon fitnanmeriin ja geahpeduvvon fitnanmeriin: "Kela ordnen veajuiduhttin manná fuolastuhtti guvlui ",

Sisafárrendoaimmahat/Maahanmuuttovirasto

- Dieđáhus gielddaide: Gielddat mielde vuostávdima ordnedemiide – ođđa doaibmanmálla válmmaštallo.

Sosiála- ja dearvvasvuodaministeriija

- Mearrádus Stáhtadoarjagis almmolaš sosiála- ja dearvvasvuodafuolahussii covid-19-epidemiijas jagis 2021 šaddan goluide (2 ohcanjorus).
- Stivrenreive suodjalanráđđádallamiid doarjumis barggu beales rahčamušaid (streaika, bargogiellidus) áigge.
- Gieldainfo: Rávvgat sierra doaibmiid ovddasvástádusain lobiheamit sadjásašfuolahusbáikkis eret vuolgán dahje dohko máhcakeahhtá báhcán máná sadjásašfuolahusbáikkái máhcaheami várás.

THL

- Dearvvasvuoda- ja buresveadjin lágádusa sosiála- ja dearvvasvuodafuolahusa dieđuhálddašeami guoski mearrádušat.
- Ovdadieđut jagi 2021 mánáidsuodjalusa statistihkka birra.

Valvira

- Mearrádus priváhta dearvvasvuodafuolahusa bálvalusaid addima guoski lobi rievdadeamis, 9Lives Ensihoito Oy (Liikkuva rokotuspiste CTI-92).
-



- Mearrádus priváhta dearvvasvuodáfuolahusa bálvalusaid addima guoski lobi rievdadeamis, 9Lives Ensihoito Oy (Liikkuva rokotuspiste DOZ-537).
- Mearrádus priváhta dearvvasvuodáfuolahusa bálvalusaid addima guoski lobi rievdadeamis, 9Lives Ensihoito Oy (Seinäjoen ja Helsingin toimipisteet).
- Mearrádus priváhta dearvvasvuodáfuolahusa bálvalusaid addimii, Suomen Punainen Risti Tampere ossodat.
- Mearrádus priváhta dearvvasvuodáfuolahusa bálvalusaid addima guoski lobi rievdadeamis, Suomen Rokotepalvelu Oy.
- Mearrádus priváhta dearvvasvuodáfuolahusa bálvalusaid addima guoski lobi rievdadeamis, Pihlajalinna Lääkärikeskukset Oy.
- Mearrádus, lohpi priváhta dearvvasvuodáfuolahusa bálvalusaid addimii, Voice Doctors Oy.
- Almmuhus priváhta dearvvasvuodáfuolahusa buvttadeaddji doaibmabáikki doaibmagottiid viiddideamis, Saaristolääkärit Oy - Skärgårdsdoktorn Ab.
- Almmuhus priváhta dearvvasvuodáfuolahusa bálvalusaid addima guoski lobi rievdadeamis, Saaristolääkärit Oy - Skärgårdsdoktorn Ab.
- Mearrádus priváhta dearvvasvuodáfuolahusa bálvalusaid addima guoski lobi rievdadeamis, Debora Oy.

#### Gielddaráđđehus

- Váldostivrra 7.4.2022 čoahkkima ollašuhttin.
- Sadjásačča mearrideapmi gielddahovdii.
- Váldostivraálgga, Sámegeiela giellalasi máksin Ohcejoga gieldda bargiide.
- Gieldda almmuhusaid diehtun buktin jagis 2022.

#### Sámediggi, Sosiála- ja dearvvasvuodáfuolahusa

- Mearrádus, Ohcejoga gieldda ruhtageavahančilgehus sámegeielat sosiála - ja dearvvasvuodábálvalusaid dorvvasteami várás čujuhuvvon stáhtadoarjaga geavaheamis jagis 2021.
- Mearrádus, Ohcejoga gieldda ruhtageavahančilgehus sámegeielat sosiála - ja dearvvasvuodábálvalusaid dorvvasteami várás čujuhuvvon stáhtadoarjaga geavaheamis jagis 2021. (lassemearreruhta).

#### Virgedoallimearrádusat

- Sosiálabargi virggi deavdin.
  - Háhkanlassi sode-bargovehkii (gielddahoavda).
  - Eretcealkin 15.4.2022 rájes sosiálabargi virggis.
  - Bálvalangaskavuoda válljema nannen, buohccedikšu searjagaossodat.
  - Bálvalangaskavuoda válljema nannen, buohccedikšu searjagaossodat.
  - Veahkke-ásslát -doaimma deavdin.
  - Buohccedikšu doaimma deavdin, searjagaossodat.
  - Buohccedikšu doaimma deavdin, searjagaossodat
-

- Eretcealkin 12.5.2022 rájes Veahkke-ásllat doaimmas.
- Eretcealkin 27.2.2022 rájes lagasdikšu doaimmas (ruoktobálvalus).

**Evttohus:**

Vuodđodorvolávdegoddi merke áššiid / áššegirjjiid diehtun bohtán.

**Mearrádus:**